

P. 569, L. -4【如是大事】《法華經大成》卷 7：「如是大事者。乃開近迹顯遠本。三世益物。化化不絕之大事也。」(X32,p.495,a4-5)《法華經授手》卷 7：「由此一問。使本門大業開彰。故曰乃能問佛如是大事也。」(X32,p.761,b24-c1)《法華經演義》卷 5：「如來出世。有二大事。一者發明諸法實相。咸令眾生開示悟入佛之知見。此是迹門之大事也。二者發明如來長遠壽量。久已證得菩提。此是本門之大事也。上來迹門大事雖已發明。而本門大事猶未顯發。然本門大事乃人之所難問者。汝今乃能問之於佛也。故言善哉(云云)。」(X33,p.232,a3-8)《法華經指掌疏》卷 5：「如是大事者。即實際理地中事。實際理地中事。非一人所能測量。非散心所能契悟。故教以當共一心。又教以被精進鎧。發堅固意者。誠其聞而必信。信而必修。勿得聞而生疑。疑而生退。以精進則不懈。堅固則不屈也。」(X33,p.639,b23-c4)《妙法蓮華經憂波提舍》卷 2：「諸佛世尊唯以一大事因緣故出現於世」如是等故。一大事者，依四種義應當善知。何等為四？一者無上義，唯除如來一切智智，更無餘事。如經「欲開佛知見，令眾生知，得清淨故，出現於世」故。佛知見者，如來能證以如實知彼深義故。二者同義，謂諸聲聞、辟支佛、佛法身平等。如經「欲示眾生佛知見故出現於世」故。法身平等者，佛性、法身無差別故。三者不知義，謂諸聲聞、辟支佛等，不能知彼真實處故。此言不知真實處者，不知究竟唯一佛乘故。如經「欲令眾生悟佛知見故出現於世」故。四者令證不退轉地，示現欲與無量智業故。如經「欲令眾生入佛知見故出現於世」故。又復示者，為諸菩薩有疑心者，令知如實修行故。又悟入者，未發心者令發心故，已發心者令入法故。又復悟者，令外道眾生覺悟故。又復入者，令得聲聞小乘果者入菩提故。」(T26,p.7a19-b8)

P. 570, L. 7【常樂我淨德】

果智	常德	樂德	我德	淨德
諸佛智慧	大勢威猛	神通	自在	奮迅(除垢)
三世益物	未來永永不窮	過去久遠久遠		現在徧滿十方
	現在震動十方			將前之狀未來
三軌、三德	究竟忍辱衣	究竟慈悲室		究竟法空座

《妙法蓮華經文句》卷 9：「『自在神力』者，過去益物也，『師子奮迅』者，現在十方分身所被之處也。或云奮迅將前之狀也，此表未來常住益物之相也。『大勢威猛』者，未來益物也。或以此為現在震動十方，隨人意用耳。幸依文次第者好。又私謂，『如來自在』者，我也；『神通』者，樂也；『師子奮迅』，奮迅除垢。淨也；『大勢威猛』，未來益物，即常也。」(T34,p.126,a27-b4)《法華經三大部補注》卷 3：「文句中。師子譬現在。又奮迅將前乃表未來耳。將前豈非前跳乎。」(X28,p.180c15-16)

P. 570, L. 9【師子奮迅】【師子奮迅三昧】《華嚴經》〈入法界品〉所述之定。佛之大威神力所現之三昧，如師子王之奮迅拔起。《華嚴經探玄記》卷 18：「謂如師子奮迅之時，諸根開張、身毛皆豎，現其威勢，哮吼之相，令餘獸類失威竄伏，令師子兒增其雄猛，身得長大。今佛亦爾。一奮大悲法界之身、二開大悲之根門、三豎悲毛之先導、四現應機之威，吼法界之法門，令二乘諸獸藏竄聾盲，菩薩佛子增長百千諸三昧海及陀羅尼海。如是相似，故以為喻。」(T35,p.444,a21-28)《法界次第》：師子奮迅者，借譬以顯法。如世師子奮迅，為二事故：一為奮除塵土；二能前走卻走，捷疾異於諸獸。此三昧亦如是，一則奮除障定之惑；二能出入諸禪，捷疾無間，異於餘之三昧，而具出入二義焉。～《三藏法數》

P. 571, L. 3【住於忍善】《法華經文句纂要》卷 6：「如來遠本無師之智。既不可思議。上智之士。當於實相出生信力。安住於忍善之中。言忍善者。如律中羯磨文云。忍者默然。不忍者說。今云忍善。猶受善也。此經四十年來所未曾說。今當說之。前迹門既已『開權顯實』。是約法門說。今本門當『開迹顯本』。是約遠成佛果說。故云所得第一法。如是今當說。佛語真實。當一心聽。勿得懷疑。此乃如來同體大慈。安慰勸信。叮嚀再四也。」(X29,p.747,a17-20)《法華經玄贊要集》卷 33：「忍善法。勝解為性。此即信因。」(X34,p.866,b2)

P. 571, L. 4【佛無不實語】《首楞嚴經》卷 2：「無上法王是真實語，如所如說，不誑不妄。」(T19,p.112,b7)《楞嚴經正脉疏》卷 2：「無上者。證極之號。法王者。於法自在之稱。真實只作一決定意。如說苦決定苦。說樂決定樂。通真俗諦。如所如。方是稱理之談。上如字即稱下所如二字。即真如理。不誑者。無賺誤之過。不妄者。無虛偽之愆。」(X12,p.230,a12-16)《金剛般若波羅蜜經》卷 1：「如來是真語者、實語者、如語者、不誑語者、不異語者。」(T08,p.750,b27-28)江味農《金剛般若波羅蜜經講義》卷 3：「何謂如語？是明所有言語，皆是如其所親證者而說之也。故五語中，如語為主。使知真語、實語，皆是親證如此。絕非影響之談，何誑之有。言有千差，理歸一致，何異之有。」(B07,p.522,a15-p.523,a1)

P. 571, L. 5【汝等一心聽】《法華經指掌疏》卷 5：「教以精進一心。示以欲說此事者。以此事甚深。非懈怠散心所能契故。戒以勿得有疑。示以智叵思議者。以佛智幽微。稍涉疑悔者必生退故。教以出信住忍。示以未聞得聞者。以未聞得聞。不貴徒信佛語。惟重深忍善法。以深忍善法。乃能受斯不傳之秘也。恐其疑為荒唐。懼其高遠。不能安慰。有礙進修。故許以安慰。戒以勿懷疑懼。佛無不實之語。正明其不必疑惑。智慧原不可量。正明其不必驚懼。但以此事是如來自所住境。故云所得第一法。第一之法非諸聲聞緣覺等心量境界。故云甚深叵分別。據此則惟佛能知。亦惟佛能說。惟彌勒能問。亦惟彌勒能聽。故示以如是今當說。教以汝等一心聽也。」(X33,p.639,c12-24)